


石倉十二代詩選

百廿二



明次八十五之六

漢書門	
三七四五	號類
一九七	函
一四二	冊

内閣文庫	
三七四五	號類
一四二	冊
三九	函

内閣文庫	
番號	漢 3745
冊數	142 (124)
函號	319 25

明次集

百廿二

百廿二



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



石倉十二代詩選

明次集卷八十五

惜陰小稿

大明

建安楊旦著

後學曹學佺閱

送龐元化叅政分韻得突

漢尊文庫

天台古名郡夙稱豪傑窟君負邁往氣沼視溟

與渤釋褐拜青瑣稜稜峭風骨每懷先事憂徙

薪喻曲突諫垣讓丰采儒林挹芬醇旬宣七閩

政牙緋九重謁一束舊時書還携向東越南風

吹輕舟孤帆江上發吾閩雖遐方而俗匪狡訐


歷代詩選

明楊思菴

次集卷八十五

一

祥



文公過化餘大道昭日月君持平生往百行無
一蹶翹首福星臨功勛視掀揭

陝西督理軍餉

奉勅總京儲勢殊時亦異蓄積猶未充冗食如
鱗次貂璫何紛然營營日趨利漫勞口舌爭空
懷祿食愧西戎擾邊鄙廟堂集羣議內帑發所
餘重臣董其事儉邪憚遠行巧心生百計元老
鬼域資極力爲之地當宁俞所請是非遂易位
命下予當往敢效懦夫避竊恐才識踈無以副

重寄迢迢萬里途仰藉天威庇報稱期靡躬庶
幾萬一冀作詩示兒襄聊以明吾志

入潼關

昔聞潼關名今履潼關道巖嶮何年開崔嵬自
天造羣山一拳多長河百川導仰面天茫茫盪
胸雲浩浩徑路何縈綺力憊無由到長風振林
薄爲我解煩燥停車坐移時誰復同笑傲設險
壯三秦皇風肆丕冑客路敢辭勞君恩欲圖報

別李同年承裕

政訝會君難不圖別君易承乏偶此來非賢竊
懷愧重感今日情曲盡同年意握手已忘言對
酒那辭醉木杪號北風漠漠塵沙地明當駕星
輶胥晤何時遂善保千金軀仰副邊城寄
舟經分水乘月順流而下詩以志喜

風伯困吾舟悠悠行復止離京兩踰旬今辰過
分水源泉一派來河流看瀾瀾牽挽不勞人棹
歌聲四起踈柳映新蟾澄波如鏡裏忽聞人語
喧前村遙可指而于疾徐間却悟乘除理剪燭
坐深更題詩聊志喜

題白巖新竹卷

清影離離半窗竹浥露凝煙翠堪掬託根此地
何孤高絕勝山阿并水澳月姨故故夜深來寫
出此君真面目賦形不入草木流勁節虚心自
天育諦盟誰共歲寒三迸地如陳爻位六結實
終期鳳鳥栖敲風應遣詩魔伏主人觴詠有餘
興滿院綠陰濃入屋門墻豈無桃與李奈此春
華零落速眼看穉子又生孫厚植深培爲君祝

歷代詩選 卷之三
勛庸次第收汗青懸賞旌功安用卜

送袁漢弼教諭之翁源

雪消風勁寒威虐羸馬凌兢行復却送君典教
去韶陽舉墮典衰將存託陶鎔諸士入模範紬
繹羣經啓關鑰簿書猥瑣了不與染翰操觚有
餘樂宦情如此復何求藥籠參苓取次收聞說
甘棠猶蔽芾勉旃事業紹箕裘

十一月八日驅車南行客况寥落賦此見

志

驅車行驅車行護國寺前天欲明空勞弟姪遠
相送悽然別去難爲情蕭條莫述眼前狀叱咤
惟聞耳畔聲雨餘到處足行潦泥深沒轂愁顛
傾土橋垂垂架冰壑乘危岌岌尤堪驚日高猶
自未盥櫛枵腹時作春雷鳴亭午前村尋逆旅
草草一飯勞經營土床茅舍寒徹骨坐席未煖
催登程晚來僦得半間屋孤燈明滅煙縱橫釀
雪可堪風挾勢破愁聊籍酒爲兵月色未闌車
又動滿身霜雪怯殘更驅車行朝復夕客路年

光駒過隙嗟予南北苦奔馳祿食明時竟何益
埋輪叱馭懷前脩千載英稱猶籍籍阮生底事
哭窮途萬里通衢隨所適行人莫問車中誰我
亦皇家二千石

陳準卿招飲遂成長句申謝

天氣清和最可人羣芳庭下雜然陳樽有香醪
意良厚食無兼味情彌真斯文雅會應如此鼓
樂喧喧徒聒耳賓主相忘禮數寬古論今談坐
忘起湘簾半掩日初斜銀燭高燒護絳紗不惜
花前爲君醉明朝案牘又公家

中秋無月有感

微雨如絲散涼風生客衣虛堂坐夜靜秉燭無
光輝停杯待月月不來蔽天陰翳何時闌老懷
襁積向誰語階前獨步空徘徊

雨後馬上

疾雷破頑陰驟雨洗煩燠好風從南來吹我庭
下竹欵段乘晚涼歸途豁塵目雲開天宇清遙
山淨如沐

齋居次楊名父韻

高談厭俗譁琴書共一家倚馬才何捷驚鴻勢
忽斜年光消竹葉勲業愧菱花省可隨流去浮
名水上槎

構亭池上

池上亭臺好山光映水光竹胎初脫鏹柳眼半
舒黃撫事看雲變焚香坐日長陶然有真趣物
外足徜徉

準卿讀書僧舍次韻

蒼靜耽幽僻門無五尺童援琴彈古調揮扇引
清風江柳搖村綠山花倚檻紅談經應坐久不
覺月生東

新昌道中

百里驅馳倦行行日已西斷橋人病涉危磴馬
驚嘶春淺寒猶峭峰回路欲迷岩岩關嶺上極
目萬山低

縉雲行臺

坐久渾忘倦重門鎮日關數株臺下栢千疊案

頭山校閱何曾暇驅馳不暫閒丁寧二三子早
折桂枝還

祈雨有應

久旱妨農務齋心懇禱時長風振林薄甘雨徧
郊圻天亦從民望神非貺爾私宦情聊自慰志
喜寫新詩

過東昌值風雨

青帝權旁落春深尚北風香飄簾影外夢破雨
聲中隴麥初抽綠園花未放紅乘流方鼓柁俯

仰思無窮

偶作

何處難忘酒淒風凜客襟長江翻濁浪白日蔽
顏陰秋色千林老霜華兩鬢侵此時無一棧恨
與海俱深

會寧道中

險路還夷路長亭又短亭雨澗深澗碧雲抹遠
峰青景勝詩難寫風狂酒易醒客途晴日少吾
欲訊山靈

歷代詩選 明 楊慎 著
都臺蒞任

內臺綱紀地豸服此初臨才薄承恩厚官高負
愧深折衝千里寄圖報一生心邪正題名在
看碑鑒昨今

治行

從宦雖云樂離家轉覺難關山客程遠雨露聖
恩寬酌酒嫌朝醉收書困夜闌梅花移不得折
向瞻瓶看

人日晴明

海宇占人日晨光放曉晴雲容風外歛山色日
邊明災沴消今歲清平幸此生乘除天意在次
第望秋成

觀風小順發舟

搥鼓聲初發扁舟下順流龍江踈雨霽瓜步澹
煙浮山水迎行旆風雲愜壯遊高歌不成調呼
酒醉陽侯

觀音閣別意次顧司諫韻

江閣憑欄久停雲客到門路迴峰欲斷潮落水

如奔贈別詩盈卷開懷酒滿樽星槎隨使節霄漢視高騫

夜過淮安

路入淮陰郡舟航在在通可人千里月快意一帆風夜靜寒猶凜更深斗正中捲簾催放棹列炬映江紅

秋祀先壟途中口占

肩輿侵曉發日出散林霏木落山容瘦天空雁信稀孤村流水繞斜壁斷雲飛墓祭雖非古吾

親體魄依

夜坐

睡鴨香銷月滿庭夜深相對一燈青驚風撼撼辭柯葉綴露垂垂入戶螢孤榻雅宜安警枕素屏剛好寫西銘靜中點簡吾身事世路悠悠任醉醒

同寅馮子佩長至陪祀途中聯句見示次

韻

山勢龍從瑞靄浮微茫燿樹五陵秋榮迴徑路

高還下曲折溪泉斷復流野店風寒茶竈冷荒
村日暮酒旗收感今懷古情無限極目長空動
客愁
霜華滿地印輪蹄薄釀堪沽可待携一縷晴雲
生遠岫萬幢寒檜護長隄良宵擬借誰家榻逸
興須畱到處題翹首蓬萊應只尺煙霏繚繞望
中迷

驅馳王事獨賢勞北望盤盤石磴高百里風霜
朝並馬六陵燈火夜分曹灰飛葭管迎脩景句
滿奚囊秃紫毫搖曳吟鞭歸路晚寧妨戴月過

江臯

夜宴歸寄謝友人

賓主相忘禮數寬沈沈清夜漏初殘紗窗風細
銀屏冷錦瑟聲微玉指寒囊底無金堪買笑樽
中多酒且追歡歸來剩有懷人句倚徧西樓十
二欄

廖廷陳清明陪祀山行有紀次韻
笑騎羸馬入春山却喜忙中得暫閒花樹競春

開艷艷溪流轉壑瀉潺潺雲過絕壁拖輕練沙
擁新洲失故灣直北居庸天設險虛勞百二說
秦關

晴光馬首散朝暎松偃虬枝勢若奔百卉芬菲
三月候羣山拱向五陵尊石田曉嶠初耕雨野
寺荒涼半掩門去去山城應不遠青煙起處認
前村

過張茂實主事公署

乘閒來訪大方家門掩西風寂不譁竹傍牆陰

添穉筍豆緣籬落吐新花庭無留事伏簪三
有餘情坐日斜媿媿清談渾未厭呼童汲井煮
新茶

聞昕弟秋闈失利詩慰勉之

吾子才華自不凡未應三十尚青衫極知士論
推荀爽惟見鄉書薦阮咸雲路迢回迷月殿年
光迅速劇風帆祗餘兀坐空齋晚無限幽懷寄
短絨

別丘文元仍次前韻

茫茫宦海泛扁舟載得東風萬斛愁誰惜卞和
頻泣玉空嗟王粲獨登樓翠屏萬疊遮閩嶠紫
氣連空識帝州別後期君無限意可將身向醉
鄉遊

秋日偶成

胸中不解着閒愁公退爐熏伴茗甌食祿應羞
田舍計藏書寧爲子孫謀庭除雨過留殘照簾
幕風來送早秋坐久颼颼雙鬢冷呼童整頓舊
衣篝

次吉甫山居韻奉寄

流年暗促鬢毛斑天與高情獨愛山藜杖穿雲
邀鶴去竹林妨月命童剛放開心上功名念叅
透寰中義利關回首紅塵高十丈懸知不到翠
微間

東山草木亦知名寵辱看來一縷輕乘興每隨
流水遠尋幽常有白雲迎遙岑過雨青浮黛弱
柳牽風翠拂纓識得淡中滋味好侯鯖未必勝
芹羹

歷代詩選 明初集卷
十三
郊壇候駕

萬柝嚴更夜未闌
珊珊環珮集千官
鵲驚人語移枝宿
馬怯霜華立仗寒
馳道逶迤通祀殿
崇垣繚繞衛神壇
鼓聲初靜鐘聲起
天外清光轉玉盤

和胡司諫光貞遊西山

草色青青映客袍
經丘尋壑未辭勞
石邊流水浮花出
天外危峰拔地高
倚馬賦詩分險韻
飮盤生菜却邪蒿
風光差勝江南否
試爲平章一

梁毫

縱步郊原興未休
撩人詩景細探求
平湖風蹙紋如縠
列嶂嵐開翠欲流
峭壁留題和蘚刻
澹雲將雨爲花謀
何時欵段從君後
抖擻塵襟取次遊

閨情次乾叔韻

粧閣無人獨掩扉
年年病裏送春歸
越羅欲換添香嬾
螺黛全消對鏡稀
薄命自傷同柳葉
多情誰遣下漁磯
客途善保千金重
莫爲行雲誤

濕衣

雪中憶再用前韻

災沴潛消樂事厭寒威轉勁火藏炎持杯頓覺
芳醪薄得句時將凍筆拈羽衛森嚴隨白帝瓊
瑤散亂妬飛廉欲看雪月交輝處兀坐空齋不
下簾

馮夷剪水費工夫玉殿朝回肅步趨共訝表安
猶閉戶誰憐江革獨遺襦狀如柳絮因風否聲
類春蠶食葉無父老預占來歲稔贊調元化荷

釣樞

誰返東風柳絮魂一時枯朽盡沾恩漫空解作
便娟態刻地渾無剪燭痕擁篲酷憐和月掃烹
茶擬欲帶雲吞紗窗此夕明于晝怪底栖雞誤
曉昏

奉和京兆兄長雨中留客諸作

散彩朝霞雨可占一庭生意上松髯牀頭酒滴
初分甕樹杪風微不滿簾垂柳飛綿春事老遙
山呈翠晚容添無鹽對鏡難藏醜淡背空驚愧

汗沾

諸公才思總無雙
文戰誰甘北面降
剪燭分題聯夜句
呼童煮茗汲春江
詞源滾滾波翻峽
吟髮蕭蕭影照釭
坐愛晚涼清不寐
忽驚殘月墮西窗

送劉夔推官

窮經不與俗儒同
佐政黃堂喜得公
鳳闕九重天極北
鯨波萬頃郡當中
清風好慰蠻黎望
佳政行看狴犴空
後夜相思隔煙水
尺書何處附

征鴻

東乾叔弟

杜門不出屢經旬
骨肉天涯有幾人
只恐多愁寬沈帶
何妨無酒漉陶巾
半衾幽思徒牽夢
積歲沈疴喜去身
休傍他家門戶好
可能依舊結芳隣

送吳叔和二尹

鹿鳴歌罷識君回
猶憶同隨計吏來
獻賦十年曾待詔
哦松此日獨憐才
徵科須為生民念
繁

劇祗應敏手裁三月鶯花春事好離亭且盡故
人杯

和許天錫司諫過李處士山居

蘿逕松關自一家羨君雅志厭紛華久聞緒論
驚霏雪小築幽居擬浣花約伴荷鋤方斲笋呼
僮支鼎旋烹茶流連不覺忘歸去滿地殘紅落
乳鴉

寄乾叔次原韻

天涯蹤跡別來疎姜被生寒思有餘至寶誰能
憐楚璞非才自合老莊樗月明斷雁驚孤影水
遠雙魚滯素書國郵方殷歸未得故園南望獨
躊躇

重九過居庸關

疊巘層巒倚晚晴屹然天設此長城山連雉堞
三關險烽息狼煙萬里清何處笑歌酬令節幾
人憂樂繫蒼生憑高不盡登臨興南望彤雲護
帝京

寄贈徐德宏分教嚴州

離亭酌酒送君行
發軔青雲第一程
世際亨嘉
吾道泰心無俗累
此官清移家建水梅
初放艤
棹桐江月正明
爲謝故人梁紹甫
緘書莫惜寄
同盟

陳情歸覲得如所請喜而有作

客路思親倍黯然
心旌無日不懸懸
八年違養
空勞夢一疏
陳情已動天
袞袞風塵催去騎
蕭蕭
蕭書劔覓歸船
承恩幸沐金緋寵
引領諸孫拜
膝前

途次用王汝潔韻

釀雪新寒凜客衣
扁舟載得舊書歸
波涵月色
光相射帆挾風
威勢欲飛身
外虛名看海市
江
邊清夢遶神畿
八閩望望如天遠
定省何堪十
載違

入京不謁劉瑾又無私覲之禮調補温州
有感

青天白日此行藏
屈已安能媚左璫
十載登朝
無寸補一麾出守
有餘光
思親頓覺愁成縷
報

國懸知髮未霜公道式微私賄盛何時重復舊
彝章

遊虎丘山

形勝東吳羨虎丘登山彷彿我曾遊講經臺廢
名猶在試劍池荒水漫流煙艇江頭歌互答風
鈴簷外語相酬憑高懷古情無限極目長空獨
倚樓

次王敬止韻

分符便向浙東行于國何嘗繫重輕叢爾偏方

民力竭蕭然一榻夢魂清年光冉冉驚流轉
信勞勞慣送迎惟有梅花相慰藉又將春色到
山城

觀迎春百戲

簫鼓聲中百伎陳眼看時態一番新村歌野曲
渾無調西抹東塗竊效顰料峭輕寒生翠幙廉
纖疎雨逗紅塵太平景象今如此休向樽前愧
負春

陳準卿見和再疊前韻時讀書淨社寺

簿書毛委謾橫陳撫事堪驚種種新祿食誰爲
明日計憂懷空寄此眉顰禪房我欲分吟榻世
路君方避俗塵聞說城西風景好花鬚柳眼正
嬌春

立春日次韻

溫飽無心夢亦安壯懷牢落放教寬江山笑我
垂垂老風雨撩春故故寒宦思若何宜解組世
情如此且加餐東郊按轡看農事多少窮簷望
駐鞍

送楊廷采

一笑相逢憶昔年梁間塵榻爲君懸半醒半醉
花前酒輕暖輕寒雨後天往事細談渾似夢浮
生胥晤豈無緣青雲更擬同携手賸借春風送
客船

上元遇雨次廷采韻

癡雲將雨妬良宵安得長虹駕綵橋待月不來
仙馭遠問天無語帝閣遙風生柳外寒猶薄春
到人間景更饒坐對梅花成一笑冷香踈影暗

相招

懷歸偶書

故鄉極目渺雲山長嘯何當拂袖還
纓冕翻為今日累簿書那得片時閒
十年名姓通朝籍一
謫塵寰隔帝關功業無成嗟老大鏡中消得髮
毛斑

重九陪胡侍御遊江心寺

扁舟棹入水雲鄉劫火初銷跡半荒
華髮誰憐陪後乘黃花何事負重陽
郊原過雨羣芳賸燕

雀隨風萬里翔丞相祠前山色好
森森梧竹倚高岡

遊雁宕山次韻

鬼斧何年鑿地靈四圍山色染衣青
乍登絕巘心猶怯剛脫塵蹤眼倍醒
花卉一屏初灼灼風塵雙鬢未星星
茲遊足慰平生願醉倚禪牀月滿庭

遊靈巖寺

宦途迢遞惜年華野寺行吟日未斜
提甕滿分

龍鼻水支錨旋煮雁山茶雲開絕壁猿窺果春
到寒巖樹着花怪狀奇形畱勝跡都將清景付
詩家

吳興舟中次舒大叅韻

東風吹暖日遲遲雨足郊原萬物熙畫舫午炊
供菽乳清江曉汲試茶旗驅馳仕路渾無補斷
送春光合有詩竊恐掄才非具眼道傍樗櫟笑
工師

龍遊有懷準卿奉寄

空梁落月思何如闊別無因問起居春事闌
殘雨外羈愁襲積五更初江頭倚棹帆將卸竹
裏行厨酌久踈握手笑談應不遠聊憑驛使附
雙魚

括蒼逢舊門隸迎新守因詢準卿起居始
知卧疾已久詩以寫懷

千里間關訪故人渴心何止欲生塵放懷可得
同今日卧疾那堪越數旬論古談今高興減批
風抹月老天嗔煩君抖擻精神起共醉東山竹

葉春

觀潮

江邊高閣倚雲開，萬疊波翻脚底雷。
暗浪逆衝山口束，怒濤橫激海門來。
憑欄目送孤鴻遠，冒險舟看一葉回。
最恨中流無砥柱，狂瀾泛濫滿蒿萊。

觀飛來峰

山外飛來有一峯，煙霏深鎖翠重重。
穿雲誰鑿玲瓏洞，倚澗猶蟠詰屈松。
林樾交陰回俗轍，巖扉半啓覓仙蹤。
眼前形勝真奇絕，未必丹青畫此工。

拜岳王祠

黠胡無賴逆天常，和議從容出廟堂。
朔漠幾更新歲月，山河半失舊封疆。
湖波東注聲猶咽，宰木南枝恨未忘。
忠節凜然千載後，肅瞻遺像炷心香。

送陳登序班還溫陵

簪筆螭頭侍建章，朝回兩袖帶天香。
心無俗慮

襟懷淨門掩清風興味長爭爲浮名沈宦海可
堪歸思遶江鄉送君却憶曾遊地清夢時飛九
斗傍

送左汝礪宰神木

同事南宮憶昔年分符今又入秦川馬諳去路
先驅熟民識隣封舊令賢遠岫重重迷曉霧神
松鬱鬱鎖寒煙茲行莫厭邊關險多少疲癯未
息肩

元日候朝

東風故故釀輕寒最喜陽春德澤頒犀甲連雲
環帝闕龍媒分隊出天閑爐煙縹緲晴光外扇
影參差夕照間去國此心應耿耿滄埃無補愧
朝班

京兆進春次王汝溫韻

唱徹雞人進土牛司儀雙引殿東頭扇開雉尾
聆天語簾捲蝦鬚覲帝旒地脉暖融春意動日
華輝映曉寒收皇恩浩蕩先畿甸次第和風徧
九州

廿五日奉別諸寮移午登舟

同寮眷眷故情長勝日名園樂未央贈別忽驚
詩滿卷開懷莫厭酒盈觴半篙新綠浮春舫一
片輕帆掛夕陽歸卧篷窗不成寐隔江燈火正
昏黃

禮部視事

遙瞻雙闕拜恩光秩亞春官愧贊襄吏隱不嫌
疎案牘庭叅却笑襍緇緇黃松梢雨過蒼髯秀竹
杪風來翠葆涼退坐小齋清似水一簾晴日映

紅芳

退食偶書

燕居如此亦佳哉地濕莎青絕點埃片席且移
花底坐清風時倚竹間來濫叨厚祿顏空汗斜
倚晴窗句謾裁最是暮春天氣好公庭吏散獨
徘徊

遊清涼山次喬宗伯韻

雨餘山色散晴空古寺逶迤曲逕通暇日偶陪
諸老後上方今喜一樽同憑高眺遠詩懷壯佳

歷代詩選 明楊慎著 卷五
景芳時樂事叢賓主相忘因坐久蓮房薦酒擘
青葱

遊靈谷寺次喬宗伯韻

偶寄塵蹤此地行試傾俗耳聽泉聲避煙野鶴
穿雲去倚檻山花映酒明餽飮敝蔬供小酌平
章風景寫餘情遲留不覺歸來晚十里松陰接
古城

遊東山次王司馬韻

雲破晴光散遠山老天今日亦開顏綠垂岍柳
晚風定紅落林花春事閒散步偶隨孤鶴去浩
歌寧逐白雲還鍼砭俗耳揮絃管靜聽泉聲戛
珮環

分水道中

瀲灩波光映碧空畫船如泛水晶宮俄驚巨浸
吞平陸却喜輕帆引順風兩岍垂楊迎棹綠夾
堤新棗壓枝紅浮雲斂盡天如洗點點遙山夕
照中

除夕和喬白岩韻

歷代詩選

月揚思庵

次集卷十五

廿五

心

歷代詩選 明楊慎
新寫桃符換舊廳留都昆季歎晨星行年老矣
頭將白知我誰歟眼共青曦馭倏馳徒守歲兒
曹忽報又添丁妨賢亟欲投簪去世路悠悠笑
獨醒

送葉上舍定還建寧

成均卒業賴薰陶誰共離亭醉楚醪三月鶯花
春事好千山風雨客程勞梯雲更擬秋攀桂繼
畧何妨夜續膏親友相逢如見問一官無補愧
清高

臨清艤舟值雨

柳外風來雨脚斜好山剛被白雲遮新涼散暑
穿雲幕小漲移舟出淺沙魚貫帆檣千里運蜂
房戶牖萬人家繁華堪賞還堪恨滿目芳菲亂
野花

送李珍分教徐州

才華蚤歲播芳譽新沐恩光入古徐山抹晴雲
青杏靄雨肥官柳綠扶踈優游絳帳談經後感
慨黃樓覽勝餘吾弟相逢憑寄語歸期準擬在

冬初

送楊智任紹興知事

客路鶯花又暮春
恩光今喜映簪紳
浙東勝處稱茲郡
幕下通才見此賓
管轄好存綱紀在
紉繩那眩是非真
不妨官舍清如水
薦剡行看達紫宸

慶都行臺次林粹夫韻

宿負天教向此償
驅馳遠道笑奔忙
山頭雨過雲猶濕
柳外風和日正長
冗語欲書嫌疥壁
踈簾不捲爲畱香
微名蝸角知何用
今古悠悠夢一場

一場

定州行臺次粹夫韻

擾擾輪蹄路四通
山川茲郡亦稱雄
麥畦過雨翻晴浪
柳逕迷煙裊暮風景
况盡收詩卷裏愁
懷都付酒杯中行
臺夜鎖青燈靜閒
把遺編校異同

新樂行臺次壁間韻

憲節西行此暫停
重門無事晝常扃
臺前古栢

歷代詩選 明楊慎
十一
垂垂綠雨後遙山故故青萬里關河嗟遠道半
生蹤跡歎浮萍今宵誰與占乾象指點中天識
使星

夜宿行臺

微風忽送雨纖纖一枕涼生睡正甜旋憶緼袍
開故篋時聞餘溜瀉空簷公庭吏散初喧鵲燕
寢香凝不捲簾明日陰晴渾未定燈花試向夜
深占

磁州道中

風掃頑陰雨脚收輶車西去路悠悠荒臺半圮
空陳跡疑冢相望尚故丘千古英雄誰竹帛一
川花鳥自春秋不堪回首斜陽外惟見漳河遶
郡流

百門泉次舊韻

高下亭臺遠近山百泉感沸綠陰間幽尋更擬
穿雲去縱賞何妨戴月還鳥戀故巢回倦翼風
淪止水避塵顏安排佳句酬清景却笑偷閒未
得閒

望嶽次石司徒韻

紫翠重重列畫屏人間何處着丹青擎天一掌
扶紅日拔地三峰擘巨靈松暗藥爐無火伏苔
深仙洞有雲扃茲行奇絕真堪紀靜聽飛泉帶
雨冷

觀雁塔

歸然古塔倚青霄勝覽何妨去路遙名氏銷沈
懷往昔規模宏壯憶前朝四簷傾側危將墜亂
瓦橫斜凜欲飄惆悵曲江成陸海淡煙空鎖綠

榜橋

永壽行臺

苦雨連宵厭客心山風無力散秋陰癡雲變變
彌層巘脫葉蕭蕭下遠林撫景空慙詩思澀旣
愁全仗酒杯深年來勲業羞看鏡遮莫霜華兩
鬢侵

靜寧行臺次壁間韻

百二河山愜壯遊悠悠旌旆又偏州簡書有限
催程急風雨多情爲客畱紅葉滿林秋色老翠

歷代詩選 明穆宗 卷之六
屏千疊晚煙收桑弧蓬矢平生志胸次何須着
點愁

過山丹臺大壘間前

笑携書劔過山丹拂面風來送曉寒流水帶冰
穿斷岬游塵隨馬上征鞍絕憐塞外從軍苦始
信人間行路難况值仲冬天氣好歸鞭指日望
長安

過函谷關

函關遺址依稀在澗水東流日夜聲世代有興

還有廢英雄埋骨不埋名終童何事將繻棄今
尹猶能望氣迎四海車書今一統漫勞行客候
雞鳴

戶曹視事

關河迢遞又金陵八座崇高愧濫登各省曹分
官屬盛羣胥鱗次簿書仍廩無餘積將何賴例
有新條尚可憑嚴立法程徵宿負陳紅應共百
川增

退居偶書

蘇詩選

月易思卷

次集卷八十五

三十

心

淪茗焚香退食初蕭然一榻地卿居雪消屋角
 松容瘦日轉簷牙桂影踈曲几拂塵緜舊牘空
 廊下鵲散羣胥位高祿厚將何補不素餐今重
 愧子

次林宮保見寄留別諸公詩

客懷端不為秋悲大老翻然去國時衰鳳謾勞
 狂叟歎狎鷗寧向海翁疑人歸雁後應非晚春
 到梅邊尚欠詩他日安車遠相召那能不出踵
 龍夔

歸留都寓邸

虛名逐逐等浮槎節序推移感物華梁上小巢
 初乳燕牆頭垂柳已勝鴉庭無俗客詩懷好門
 掩清風宦况嘉笑撚吟髭成短韻詩喉新試武
 夷茶

送寇中丞天叙巡撫宣府

歷敷中外蚤馳名豸繡煌煌壯此行最喜長才
 臨重鎮懸知驕虜避先聲沙頭酒盡離亭晚江
 上帆開畫鷁輕海內轉輸民力困煩君一念繫

蒼生

陳少宰見示遊牛首山詩次韻書邊中丞

卷

誰幻山形儼若牛登臨酷愛午風柔遙看樹杪
橫青黛小憩林陰擁碧油後乘未隨清興遠舊
遊如夢亂峰迢茲行奇絕真堪紀逸駕應攀沈
隱侯

送吳珽歷滿南還

蚤年芹泮抱遺經胄監薰陶更老成共喜姓名
登選牘試看簪紱躡雲程江頭雨過羣峰秀蘋
末風來一棹輕愧我欲歸歸未得送君南去若
為情

武城聞致仕之命偶書

北客忽傳新命下中流急放一舟還浮名已謝
雲霄上公道猶存天地間老遣情懷聊藉酒閒
携杖屨即登山應知此外無餘事寂寂松陰晝
掩關

過錢塘江

孤帆帶雪過錢塘山倚銀屏水漾光浦淑縈迴
江曲折樓臺高下月微茫舟移別岬潮初上風
透疎櫺夜未央仕路悠悠驚歲晚歸心隨夢到
家鄉

遊歸宗巖

山靈知我要山行歛盡浮雲放曉晴已辦芒鞋
穿鳥道纔傾俗耳聽泉聲神剗鬼鑿無餘力月
榭風櫺有許清忽憶五年前到此依稀如夢不

分明

次壁間韻

紫翠周遭面面峰天然形勝衆山宗縱橫獸
林間石天矯龍蟠屋角松假榻每依雲芝宿
琴時有鶴相從題詩人遠嗟陳迹極目秋空思
萬重

次孫謙生子詩以志喜

峭寒簾幕怯晨興覽鏡絲絲鬢雪增閉戶何妨
常謝客開顏今喜又添曾德儲先世鍾餘慶
夢兆維熊協吉徵謾笑老夫無所遺吾家清白世

相承

喜得家書

一春頓覺信音稀
夢遶家山夜夜歸
慈母書來無別語
丁寧未許脫朝衣

題畫牛圖

東風吹老綠楊枝
可是春郊罷耒時
帶雨細澆原上草
夕陽歸路向遲遲
南畝功成便退身
中流遊泳任天真
牧童何處空江晚
清世應無扣角人

懷柔道中

春風樹樹亂啼鴉
鎮日山行未見花
田野蕭條村落靜
土橋茅屋兩三家

白馬關

怪石巉巉水亂流
柳勻新綠弄春柔
滿陂芳草眠黃犢
風景居然似建州

小圃卽事

池館圍春曲逕通
虛簷掩映綠陰中
入門頓覺風光別
幾樹桃花隔竹紅

東墅雜咏

東風簾幕燕來初
習靜偏宜水竹居
曲曲欄干時倚徧
一池新綠漾遊魚

移居盤門

盤門靜僻暫移家
樓枕寒流寂不譁
怪得近來天氣好
春光先已到梅花

樂清道中

移文先報雁山靈
暫謝喧囂向此行
盛境也須遊歷徧
莫教風雨妬春晴

金華山水暴漲登舟有作

空江波浪渺無涯
茅屋深林四五家
却訝扁舟穿木杪
山城回首隔梅花

趨朝

霜華滿地寒猶薄
月色半窗天未明
袞袞紅塵行十里
東華門外正殘更

廿九日宿蔡村河下

纔過蒙村又蔡村
幾家燈火正黃昏
舟中亦自饒風味
買得河鮮侑晚樽

二月朔日宿桃花口

扁舟暫泊桃花口矮屋低垣數十家童子忽驚春水漲晚潮隨浪散平沙

過高郵湖

湖光瀲灩映晴空漁艇如梭織晚風一縷青煙林外起何人結屋翠微中

河西登車

水淺膠舟不可行肩輿百里困風塵勞勞仕路嗟無補斲柳江花冷笑人

屠僑

字安卿鄞縣人有東洲集

早起讀古詩用韻寫懷

仲夏天鬱蒸梅雨若不歇何處望高堂清晨梳白髮為客已如家經年不以月生涯謀道疎身世逐塵沒何當凌風舉兩手揮巨闕

大庾嶺

路出南安南上嶺復下嶺盤旋山谷間飛鷺煙雲境覽秀目不窮吸清心自省泊泊名利途對此愧幽屏

小梅嶺

我愛山中行盤屈自有情方偶澗松陰又分溪
竹清石屏錦繡幅雲壑笙竽聲何當遇幽人與
結煙霞盟

平谷南山早行

與山違日久忽遇洒我神黃鳥出谷鳴悠然江
南春晴峰倚崔嵬空翠來氤氳盤旋山壑裏不
見人間人

作馬廐

草草立四圍驥良不以廐寸地千里心牢籠自
天授凡物必有居美惡豈其覆嗟彼席珍人薜
蘿窮陋巷

白羊堡夜宿

早發居庸城暮宿白羊館朔風喧急柝寒月為
我伴重山關隘阻列戍旗臺滿我皇復脩文
單于正來款

舟中漫書

北遊倦客歸隱宜東山舊卷還吾持紅塵隘路

機始息白首餘日天所私林壑夙心去靡靡川
源遠道行遲遲季鷹適意正如此魚菜扁舟同
爾為

居庸察院和韻

龍飛汛掃三尺鐵脩補前人幅員裂大明鐘鼓
振邊頭寂莫胡笳寒咽雪關城月白明貢道窮
戍千山子孫老吁嗟險阻固以形願望君王德
不小

送樊本明東歸歌

內用二
十八宿

城頭畫角疎清曉鳥弄玄亢聲碎小行人夜別
指氏旋早起房櫳送茫渺一春辜負行樂心千
里寫遺春尾吟筆端箕歛春還好斗酒與君行
處斟牧牛豎兒歌我過餉田婦女肩相荷虛林
日薄輕霧黃危崔燕補舊巢墮客意雲邊室家
遠村春花外墻壁淺梵王門盛耀宸奎部婁野
曠當絕嘯偷閒飲興忻胃飽自愧宵衣常照鼎
陽關唱畢囑舟航觜觿贈以代襟抱忽漫相逢
參與商愀然涕我鄉井腸陰慘陽舒鬼神疾君

來君去楊柳。長前程星。火莫謾忒。此意弛張須自得。有懷簡點南風翼。發軔終筵堪記憶。
晚晴漫述
青天寥廓行白雲。一時夕景開晴曛。清風院宇蕩炎燠。高枝鳥雀鳴權忻。我坐花前北簷下。仰天看雲心欲駕。虛空燕舉掠微茫。須臾月出溪昏夜。黃金寶殿麗岩堯。西來諸山錦障朝。時雨時晴盛王理。殷勤仰止唐虞遙。

兄弟同諸姪江餞

我行入南海。舟發甬東潮。宦懶時從失。情牽路任遙。秋深江月白。風急客衣飄。繾綣家人意。酣歌斗酒饒。

登靈源寺

南山北山曲。東寺西寺連。天設幽遐地。僧分自在緣。巖潭伏龍虎。鐘磬出雲煙。爲有重遊日。題詩記此年。

訪永樂廢寺

空山寺已廢。寂莫枉登臨。古殿餘茅屋。殘僧倚

歷代詩選
明倫彙編
暮林溪橋自流水雲樹伴孤岑興廢乾坤事因
茲感慨深

十月五日過餘干阻風野泊

風逆江頭坐維舟野竹邊荒村無物色落日少
人煙盡室憂途夜踈燈照客眠一鈎新月白光
景爲誰憐

小溪驛南行野泊

蔓草清溪听斜陽獨繫舟蒼煙數家晚錦樹一
江秋鳧鴨沙相並松篁澗自幽鄉村有官法鼓

拆夜無憂

大庾山口晚興

高山屏西日未晚溪欲昏百丈援灘勢叢篙避
石根火明依听宿人靜聽沙喧家室天涯共扁
舟憶故園

赴梧諸寅餞別阻風夜泊

別筵纔十里潮落海珠宮欲挽無高岍相持有
逆風蒼茫孤夜泊想念一樽同新問交州道山
川五嶺中

水東驛道中

炎海東來路龍川曲避沙江村孤驛舍竹屋幾
人家地瘠春無菜山稠樹少花瘴煙愁未已汗
漫薄天涯

龍川舟中雨望

二月傾寒雨龍川逆挽舟山雲凝欲凍瘴霧濕
難收古樹侵江碧奇峰峙水幽沾濡何所適獨
酌賦清遊

龍川山行

龍江謝舟楫東麓事晨征寒雨初開霽春山未
老晴煙霞迎日薄草樹隔年榮瞑目肩輿裏靜
收溪谷聲

欖潭晚泊懷廣城僚舊

熒舟沙樹合望暝水雲同夕浦漁煙碧春山野
燒紅空流鳴急瀨高月動微風回憶羊城舊孤
懷清夜中

建寧山行宿大橫驛

路轉千溪曲泉分萬壑聲溪雲橫夕景山館息

歷代詩選 明唐簡齋
炎程院立雙松古林栖百鷺清乘涼多暝思種
種舊遊情

陸江西叅政同寅餞別黯淡寺

高閣臨波迥輕雲匝寺陰溪聲千古壯雨意萬
山深祖席開青嶂風煙灑素襟行行復何處隨
分是吾心

次文卿清明日老軍塘阻風志感

水逆兼風逆難窮汗漫程船頭折楊柳客裏過
清明江壘淒煙雨天涯遠弟兄相悲重相別愁
絕海雲橫

中秋將臺玩月是日盧都闈爲會

幾度中秋月皆從客裏看山川照齊魯南北聚
衣冠玉笛鄉心遠金樽露氣寒人間此良夜應
共百年歡

新嘉驛草亭次韻

草亭依傳舍幽事坐中新水曲池通井花繁夏
續春風塵爲客倦泉石寄情親杯酒雙蓬鬢乾
坤此是真

訪從兄監中晚回

晚行城北道捷徑過田家陰坂花猶媚春溝柳
自斜場含深竹雨鶯落半天霞農事催將濫池
深處處蛙

會飲暮歸

嚴城已布柝釀飲獨遲歸月暗馬知道風高塵
滿衣樹烏驚自語雲閣渺何依穉子不知漏殘
燈半掩扉

宿寺

有官身許國隨地寺爲家夜火聯僧榻晨鐘入
禁衙瑤宮分世界白髮數春花我輩無窮事
看絕兩涯

園門曉望

曉日園門暗長波逝遠空山雲寒帶雨霜柳弱
搖風郭索江秋老鷓鴣水信豐甬東誇海勝原
自有龍宮

積雨書悶

煙火朝昏促柴桑霧靄濃高門催黍釀野戶急

村春晨正憂荒歲天胡雨孟冬沈思步屨外江閣暗晨鐘

鄮山橋

望城三十里野寺鄮山橋廢壘官奴縣殘碑至正朝青山來欲暮秋水未全消垓北風煙裏扁舟思寂寥

直院

夏夜院空寂鐘來遠寺揚風搖孤燭短人憶故山長冷泊雲霄氣淡流星月光對茲渾不寐天地息蒼茫

地息蒼茫

寫王天錫扇面

落木風色淡江涵萬里秋青山出波末飛鳥近船頭執卷懷千古澄心無一憂長須此乘興城北是東洲

次李少泉嶽祠暇集

岱嶽開祠古幽遐此共臨虛堂延野色高閣碍峰陰山月皎當戶朋僚喜盍簪清樽忘永夜一洗俗塵心



歷代詩選

明屠龍齋

四

送友人遊靈谷寺出朝陽道中

勝事靈山願一償春城十五出朝陽日邊雲布
梅時雨馬首風吹栢子香涉夏酒多新市白占
年麥喜過人長陵宮寂寂朱欄護龍卧深山萬
古藏

病居對雨

秋雨瀟瀟夜及晨釀寒雲氣漲高旻雞愁隔幔
還妨客雀啄巡簷不避人着葉聲聲初滴瀝隨
風濯濯太崩淪無端沸動虛堂思瘦損還吟病

裏身

代題壽父母圖

聞說瑤池會事新鬱葱佳氣北堂辰青銅月滿
明珠箔白髮莖踈照錦茵簫管鳳凰臺上侶兒
孫蘭蕙圃中人風霜亦屢疑春色烏鵲年年渡
漢津

訪同年陶奉川舟發城南

小雨城南動曉船長春門外柳如煙客情淡泊
觀流水行色蕭條憶往年江麥纖纖留燕語汀

歷代詩選

明屠龍齋

次集卷八十五

四

八

花冉冉足鳧眠推窗慢數脩程事看盡人家雨
後田

雲深樓晚眺題付住僧清濤

汝有竇山百尺樓白雲朝夕深悠悠乳峰煙雨
千林暮飛雪巖臺六月秋鏡水蕪平莎鳥立藤
花風落野猿愁我來未盡登臨興記爾青春卜
再遊

與秋官孫敏中宿佛塔亭次日陶明府行

厨為會

夜宿招提境上頭故人飛簡此重留青封入案
酒筵暮白鳥下溪山雨收同榜分于南北盡百
年情屬主賓酬令君擬有觀風日漫寫新詩紀
勝遊

江頭晚步

薄晚江行意若何夕陽微影漏林柯綠涯白鳥
玄沙淺隔岼青山綠樹多下網人聽潮外語入
村船載渡頭歌觀瀾不用登遐絕百里蛟門送
海波

送同年萬汝信北上

同陟金臺映聚星分明梧竹肖君形
兩年簪珮北歸闕三日雲山東過庭
梅雨滄江行汗漫翰音瀛海入青冥
秋風我亦期當發記別桃花第一汀

過寧波寺登覽

落日川橋野寺幽風篁雨蔓碧遭周
居連一舍今方到勝接三江昔未遊
門外滄波飛白鳥殿前紅葉偃深秋
雞聲隔竹啼寥寂僧在薜蘿宮

裏頭

正月十五日夜平望驛看月有懷

平望驛前春水平元宵月裏畫船行
湖光汗漫一千頃人意歡欣三五明
胸次若干星漢朗歌聲自得里閭情
回頭漠漠家鄉遠聊遣春庭有弟兄

渡淮

風送淮流四十程船頭急鼓遡濤聲
海光蕩日長鯨沒春色窺簾細柳晴
天地襟喉當吐納江

歷代詩選 明倫彙編
河經緯孰裁成分明國脉源源在更重微臣萬里情

過濟望南旺湖

長堤柳外望悠悠山遠天空萬頃浮漁牧幾家
生計薄鳧鷺春水野情幽扁舟草澤誰真隱二
月洲田半婦耰東克源流夫子國獲麟猶記古
河陬

淮陰弔古送劉南村歸吳

汗漫長淮萬里天秋風城下古祠邊黃茅野屋
封高柳白日雲沙走逝川塵世幾登泝避眼英
雄一去百千年不堪皓首江湖上短燭孤篷坐
閣然

按浮圖谷山行至暝

突兀山程汗漫行晚風添戀僕夫情煙霏暝裏
河流壯鼓角聲中戍火明瞭卒空聞傳急柝步
郵何處咽寒鉦看星直到西南際夜宿浮圖已
二更

在平道中

歷代詩選

月暑簡齋

次集卷八十五

罕八

大

歷代詩選
楊柳川原綠已稠曉風吹髮尚如秋地寒花重
齊南恨山遠雲連碧北愁雪後漸看麴入秀雨
前剛好穀新稷行人昔是東臺使民物還叨管
戚休

月夜寶應湖漫興

寶應洲前萬頃波月明載酒夜深過濯纓高唱
滄浪曲鼓柁遙聞漁父歌銅鼓船頭鼉出聽玉
簫雲裏鳳來和青天叢桂寒宮敞清影真看舞
素娥

入京口遣興

行色忽驚春已暮鄉心無奈夢相牽甕城潮送
江南路虎寺峰臨柳外天雲影恍疑金木相日
華遙矚鳳麟妍再圓招寶山前月十日桃花渡
口船

經西湖

青山錦水春深過酒舫漁舫鏡裏同三竺煙霄
逃去鶴六橋歌管渡飛虹風雲氣識將軍廟鳧
鷺沙連處土宮寂莫行邊無伴侶伐柯清思碧

林中

宿九牧鋪

舊路梨關重問館浮蹤雲陸半分程青山對我
還相識白髮當年已漸生九牧名香垂世遠催
科政拙賴時清行邊且共吾民樂霖雨秋農兆
有成

重登鼓山絕頂

春山有約客重來雲盡高峰面面開靈洞近窺
三島路碧霄平築列仙臺風煙傲睨人千古天
地蒼茫海一杯樂事可堪追往事斯文殘刻掃
莓苔

五月梅雨

纔見迎梅又送梅榴花五月雨中開江南芒種
田家候白下端陽客子杯古壁腥延蝸角上空
階青引石衣來離腸何苦淹淹滴用愧當年濟
旱才

夜泊阜林寫懷

一里人家古阜林孤舟客夜幾傷心天青樹碧

野雲盡星朗月明秋水深坐看東南多越思笑
歌兒女舊吳音風波道路輕年少猶戴儒冠未
插簪

舟懷
濟水猶餘二百里吳山不計一千程山多勝事
歸無日水共離人去有聲燕子風前芹正暖楊
花春後雨初晴逢時不用多惆悵汗漫孤舟自
在行

登北固寺

瓜步潮遶北固回海門秋滿甕城來江淮地勝
存遺額樓閣景多空舊臺落葉未疎猶有菊重
陽兩度此銜杯太平一統無天塹萬里乾坤眼
共開

山陵扈祀次松臯許太宰韻

微臣叨扈紫宸儀載道歡歌利見詞帳殿千峰
森屏翰轅門萬騎擁旌旗皇圖奕葉根源地聖
孝精禋雨露期沕穆龍宮肅瞻對七陵松柏鬱
遲遲

扈駕山陵次玉溪少宰韻

蒼茫素野接金城
扈從龍輿先鳳旌
歲序隆冬寒正肅
月華中夜冷逾明
衰殘更怯重裘護
感慨生增落木鳴
此際沈思慙肉食
重嗟西北有屯兵

登映江樓次韻

解組歸來獨上樓
百年今日是真遊
江橫雁影青霄外
路入桃花碧海頭
自此山川隨我樂
謾于今古共人憂
閒心一寄憑欄月
滿地雲浮與

水流

次韻汪慎齋見遺

慰籍無官身始輕
塵緣嬰我事還生
白雲丹壑鷗沙夢
駭鶴驚猿鳳詔聲
霄漢舊遊空竊祿
林丘甘遯已忘名
誰關風雨他鄉念
况復南征旅雁鳴

泰陵晚宿昌平瑞光寺

一入寺門心便幽
禪居寂靜即林丘
寄身京國那堪再
回首江山孰與儔
晚飯且甘僧供淡
清

宵聊緩客鄉愁泰陵獨慰來瞻謁薦錄初登甲
子秋

龍泉關

崎嶇窈窕入山深立馬危臺夕靄沈風草胡沙
漫飛雪關城天險不言金夜堂柝裏聞驅虎遶
案坡前看啄禽只是 君王令行處煙花無渚
作幽尋

常山臺署用韻

有客遙從劔浦來故鄉風景此徘徊山田活水

千家稻梅雨清江兩岼苔蟬響未秋催暑去
花如火照人回宦遊廿載雙蓬髮報國空慙襪
線才

登岱嶽

長風凌厲上巘岈洞草巖花遶百盤御道石屏
龍馭遠古壇松樹鶴巢安日峰午夜扶桑曉天
闕新秋廣殿寒千古登臨總陳迹獨餘香火拜
儒冠

高郵晚泊

歷代詩選 明倫彙編 卷之三

水雲佳勝此經頻楊柳菰蒲遠近津明日驛樓
常照客長河舟楫幾閒人孟城地重咽襟處麓
社珠遺草木春旅泊不勝延頸意太平魚稻足
斯民

寫扇

高樹滿秋風茅簷正倚東相知窮白首不厭說
山中

二漁負罾圖

夜飯未得熟風濤不可曾柴門桑竹雨妻子候

寒燈

席上書扇二首

山空秋葉落江靜野雲浮世事無關涉扁舟夢
遠遊

雲林道相重相赴野亭開誰有青山意扁舟江
上來

花山

花山極千仞上有老君祠何代來居此青松有
古枝

歷代詩選

月窟簡清

次集卷八十五

七言

西窗雨中吟二首

二月春寒惡重重壓雨雲暮窗煙數縷
紛紛
好事成長恨愁人坐雨天相思無限意揮淚寫

詩篇
雨中簡童純夫求筆

出門咫尺是君家雨隔東西望眼賒
將信使管城初夜夢生花

酒後南窗晚坐

新柳墻邊帶雨青小雞窗下聽談經
酒腸愛

涼風晚碧落須臾三四星

次韻寄錫山鄒光大

天涯共惜故人離夜雨燈花記昔時
寂莫江鄉

篷屋底與君揮淚寫秋詞

寫扇贈柴克脩

百里春江浩渺平春山蒼翠亂崢嶸
釣船欲放
滄瀛外沙際南風是去程

暮春即事二首

漫白楊花亂飛絮落紅桃瓣盡沾泥東風不管
愁人面三月出門無鳥啼

荏苒風光三月暮繁華時節一年回眼前零落
何須論隔歲花如昨日開

畫景

白石橋西綠竹林青松亭外白雲岑何人閒睡
三萬日鳧鴨碧波江水深

夜行至塘棲遇風雨

出關彌望凍雲低畫鷁迎春未試題四十五程

燈火夜一川風雨泊塘棲

發蘆溝晚至房山

紫荆雲外渺天關汗漫山行不等閒六十里程
忙走馬夜深燈火宿房山

小憩黃山寺

易水西來路幾灣招提小境額黃山風塵百里
無亭埃來借僧房一餉閒

聞鳩

臺署沈沈晚色多春鳩一送雨聲過有如寄我

江南信花柳園林雨正和

出郊

麥隴如雲野雉飛
桔槔流水野人扉
曉來小雨如酥潤
山色行行好染衣

經東坡祠

白鶴峰前過客舟
東坡祠廟鬱松楸
遭逢勝地無知己
瞻仰孤亭天際頭

蒲溝夜汎聞笛二首

樓船燈火下蒲溝
吹笛何人獨倚樓
始見陌頭

楊柳色折來翻動故園愁

春風二月過梅殘
玉笛聲飛落碧灣
客思黃三

正無寐月明何處是關山

後學曹學佺

題德琴圖

紙窗露濕金徽冷
何處輓轡響銀井
須臾松風
那座來夜鳥啼碎
梅花影柴扉寂寂
春自遲流水高山人
夢思賞音無地尋
知己欲買黃金鑄

明倫彙編

明次集卷八十五

明倫彙編

次集卷八十五

五

次集卷八十五

五

春風二月

出郊

麥龍如雲野雉飛
枯棹流水野人扉
曉來小雨如酥潤
山色行行好染衣

經東坡祠

白鶴峰前過客舟
東坡祠廟鬱松楸
遭逢勝地

玉無寐良辰何處
長關山

春風二月
良辰何處長關山
玉無寐

春風二月
良辰何處長關山
玉無寐

石倉十二代詩選

明次集卷八十六

龍江集

大明

雲間唐 錦著
後學曹學佺閱

題聽琴圖

紙窗露濕金徽冷
何處轆轤響銀井
須臾松風拂座來
夜烏啼碎梅花影
柴扉寂寂春自遲
流水高山入夢思
賞音無地尋知己
欲買黃金鑄

子期

題韓湘子像

歷代詩選

月唐七綱

次集卷八十六

一

士

歷代詩選 卷之二
昂黎千載士。虎踞白玉堂。毛錐三寸奪造化。抉剔海岳無晶光。此事古來鬼神忌。真宰泣訴令投荒。頃刻花逡巡。酒藍關雪花大于斗。水觀馬蹄凍欲僵。等閒笑破山人口。驅煙霧御氤氲。仙耶非耶且勿論。靜裏悠悠誰似君。

題黃鶴樓次西涯少師韻寄鳳山中丞

扁舟鄂渚連宵泊。一樽聊伴城樓鶴。月光照人如鏡明。水色涵空更澄廓。樓背小亭白石鑿。裂處似有藤蘿絡。欲將勝致付毛生。掌中酒杯且

權閣凌晨歷覽週。遭峰村歌野曲鳴商宮。官官萬口託奇遇。民隱九重偏易通。戰馬千羣臥芳草。山川二百皆春風。瀕江小款亦偶爾。全活正賴青州翁。中臺大夫南國彥。胸中石渠有其半。經綸餘滴灑秋風。流水行雲看染翰。名樓秀句兩爭雄。千載鶴詩今再見。憑欄獨抱廟堂憂。舉頭懶識江山面。酒酣携笛傍梅花。吹徹楚雲飛碎練。不須高語驚星辰。聲名久已登霄漢。

賞梅三首

酷愛幽芳盡日看凍雲烘透粉痕乾吟邊風勁
愁聞角折處枝斜恐礙冠澹拂湘簾橫月影薄
裁吳苧護春寒含情莫怨相知晚欲補離騷似
已難

翠羽聲沈月向昏紙窗幽夢鎖香魂虬身染霧
鱗猶濕懶髓塗霜玉未溫忍凍欲償詩客債先
春應識化工恩深山自笑無人問寂寂踈籬半
掩門

臨風脈脈度寒朝誰與花神破寂寥碧蘚封香
春尚淺滄池浸影雪初消枝藏病鶴如憐瘦
落深宮欲鬪嬌遙想西湖明月夜幾人携酒踏
溪橋

書韶州察院壁

嶺南暮冬如暮春鳥聲百變殊可人上階芳草
碧煙細入檻芭蕉羅扇新芙蓉灣頭花更好暖
日晴波漁艇小忽憶江南開畫船錦雲十里湖
山曉

小溪曉行

望中漠漠總煙嵐風土殊方惜未諳詩爲愁多
添日課酒因情懶廢朝酣鳥爭棟子和霜墮僧
拾松枝帶葉擔漠漠江雲飛漸杳滿前新景向
誰談

重陽賜燕

鵠立仙班曉露寒燕傳天語下雲端糕聯紅玉
炊新棗酒泛黃封出大官九奏鳳韶聲隱隱雙
開雉尾影團團小臣何幸沾恩寵默倚西風愧
素餐

月殿秋香

銀闕沈沈鎖嫩涼滿庭香雪綴嬌黃幾人礪斧
誇吳健此夜登樓笑庾狂袖裏高枝秋弄色眼
中清影玉生光酒酣記得歸時路鶴背西風碧
漢長

嶺南察院和郁道長韻

歎息西風滯葛衣幾多情事與心違白雲萬里
天如寄黃葉千林客未歸雁足有時憑附信鷗
盟何日許忘機清高偏愛陶彭澤三徑何曾着

是非

初至湖南贈張汝楨道長

黃葉滄洲動曉霜埋輪風采識張綱楚山雨過
秋如洗夢澤煙消水亦香北獻皂囊驚絡繹南
飛孤隼看翱翔曾聞太史傳新報執法連霄倍
有光

慶祖道中

擾擾黃塵道路長間邊巢許笑人忙軒乘野鶴
元非性服被林麋祇發狂煮石作羹山骨嫩掬

泉澆耳水花香追思往事仙凡隔獨立野亭

雁行

次文峰先生秋興二首

玉露新涼秋滿林曉風穿戶氣蕭森寫懷詩句
傳梧葉遣興壺觴傍竹陰夢短爲懸經國慮年
豐偏愜濟時心授衣節候知將近昨日紗帷透
遠砧

暮雲風急雁行斜客裏逢秋感歲華落葉響隨
窗外雨枯枝飄作水中槎誰家斷續敲砧杵何

處喧嘈競鼓笳。頗有清香能慰藉。石欄巖桂正
開花。

楚雄拜武侯祠

策馬龍岡路轉西。茂林脩竹暎榱題。帳前雲傍
爐煙起。簷外風疑石馬嘶。長恨表曹真虺豕。誰
知陸呂亦鯨鯢。堂堂兩表扶忠義。日月光高泰
華低。

東雲

英英一朵伴朝暉。挂影扶桑鶴未歸。秋水虛明

初擘絮。春風淡蕩不成衣。長疑青帝開簾幕。每
與幽人護釣磯。只恐從龍行雨去。故山清夢亦
應稀。

雨中哭子儼

幾度長吟復短吁。食牛汗血總成虛。招魂夜拂
新封土。閣淚時翻舊讀書。天地有愁誰似我。海
門無色月沈珠。兒今何地爲才鬼。却怪秋來入
夢疎。

尋仙卷爲陳相士作

尋仙道人江海彥三島十洲渾走徧歸來自覺
術有神隔牖能將色絲辨酒酣耳熱逞談鋒對
人信口分猪龍雙瞳炯炯敵秋月世間安用窺
青銅

登大伾山

肩輿衝曉作山遊黃葉迎風面面秋過眼飛雲
應我笑隔林啼鳥向人畱石堦竹迸苔痕破玉
井龍歸雨氣收謾簡禹書尋往迹茫茫何處是
江流

度梅嶺

誰云度嶺卽炎方十月山橋滿屐霜蕉躡故衣
羞戀綠菊畱殘朶欲飛黃鷓鴣有意憐行客茅
屋無煙鎖夕陽此日觀風增感慨馬蹄隨處有
荒涼

書南康山中公館

山館題詩已十年重來風景更凄然黃蒿滿地
秋無主白水迷村冷浸煙烽火四郊頻送警江
湖一念獨相牽馘思獻納當時曠策馬斜曛媿

負暄

途中卽事

十載長安夢始醒
武城絃誦沸新聲
文章謾入宗工眼
案牘何辭俗吏名
楊柳着霜金縷脆
木綿烘日粉雲輕
故園謾有心如火
未了平生報國情

竹亭

懶將塵事溷幽懷
遶屋琅玕手自栽
碎影點窗秋月滿
清聲入座午風來
門深惟許王猷造
徑

僻曾看蔣詔開
轉眼碧梢抽紫實
傍雲須築鳳

屋臺

玉泉上人

泉水清于玉
禪心淨似泉
傳聞玉泉水
曾吐鉢中蓮

近山

卜得幽居傍翠屏
澗泉偏愛枕邊聽
曉來嵐氣衝簾入
濕透牀頭相鶴經

柳燕

歷代詩選

月唐七調

次集卷八十六

八

心

歷代詩選 明唐二編
芹泥銜罷東風軟舞起綠陰嬌似懶飛來新壘
立多時說盡閒愁春不管

蓮花

薰風池館午雲涼紅玉層層沁水香疑是西施
醉歸後笑將微露洗殘粧

西蘆

水西叢葦隱君家門倚西風散雪花幾度夜深
看雁集一鈎寒月映寒沙

西林

高樹疎陰送晚暉桑榆路近鶴先歸披襟偏愛
秋風爽碧葉滿山雲亂飛

市隱

滿城車馬任追攀靜卧心閒夢亦閒門外紅塵
三十丈垂簾如隔萬重山

李學曾

字宗魯茂名縣
人有鶴林集

送王秉衡道長出按陝西分韻得獨字

有客秣驄馬豸冠被朱服駕言將何之先聲動
華麓曾飛玉堂翰更累青瑣牘歷親郡縣政民

瘼盡耳目所遭異坦阻平生耿介獨行行屆高
秋風霜共潔肅狐狸安足問豺狼敢當陸按轡
渭水濱雨餘桑麻綠我爲西人喜重受清平福

送進賢王鑾秀才還家

我初宰鍾陵省觀子之鄉邂逅識子廬喬木森
蒼蒼云昔先大夫西臺古風霜驄馬搖嶺海節
鉞綏徼方我晚不及見令聞猶揄揚鯉庭有遺
訓世澤殊未央念子偉哉器恢廓不可量手挽
百步弓勁發直穿楊造物若不偶雲翮垂扶桑

提槩入槐市萬卷重脩藏試歷司空曹才美寡
頡頏新秋暑雨盡金飈動微涼倏爾發歸輿一
葦西江航在廬滴層翠彭蠡涵晴光故籬燦佳
菊聊以娛壺觴願言定夙志勿使舊業荒努茲
少壯力青霄期激昂允允鹿鳴賓鼓瑟將承筐
再尚大畜賢良馬逐康莊無墜燕翼謀乃足稱
肯堂

寄題林子行草堂書屋

西山有佳麓美人好爰居一椽宜偃蹇半畝常

歷代詩選 明之先朝
紆徐蔬藥剩雨畦稻梁足和畚縹囊貯蜎斗牙
籤栖蠹魚豈羨鄴侯架爭訝孔明廬揮毫臨太
玄閉門悟潛虛龍卧及脩義無乃時與俱披燿
露華采凌空脫泥淤物滯固有化至理斯乘除
願言早致力無徒惜居諸

祖教寺

斗瓢方丈雪一枕華山雲道外元無道人間別
有人閒中談物故靜處着衣巾名利紛紛客徒
奔陌上塵

送晉安徐太守赴任

補郡持新節醫民貯舊丹不孤明主託應使遠
人安萬塲花迎暖千山鳥送寒五雲重回首高
處倚欄干

其二

公才文武備得郡稱臨邊化日回寒谷清風拂
瘴煙民淳稀訟牒政暇到詩篇坐對南榮木春
鶯看早遷

送潘伯振掌科出守漢中

祖帳人如玉燕山十里亭一樽花下倒五馬柳
邊停隴樹遲春雨秦雲照福星莫嫌分鷺道名
在御前屏

送湛內翰原明出使安南時原明同廼堂

還鄉

萬里宣朝使爭看四牡駢眉開黃色霽身傍白
雲飛化日寰中永文星海上輝行行重回首仙
仗倚皇屏

壬午年容縣舟次有感

霜刃十年劒孤舟萬里程鄉心頻快快客髮漸
星星絕壁橫窗暗高灘入夢驚幾般縈恨處信
是路難行

登釣臺

五度臺前客而今正一登行沿蒼木底踏破白
雲層爽氣消塵溽清風散鬱蒸漁竿真樂在歸
把幾人曾

新秋度淮有感

爽籟入孤舟長淮度急流九重天萬里一日客

三秋舊篋將捐扇新衣欲製裘不堪清夢覺欹
枕憶林丘

送黃才伯內翰出使湖藩便道歸省

昨夜奎光透楚天使輶新遣鳳池仙宗藩大義
憑誰重 聖主深仁藉爾宣南海到時春酒熟
北堂歡處彩衣鮮編摩紫禁遲班馬回首梅關
早着鞭

癸未九月寓京邸乞菊自賞

菊是山中隱逸花山中乞得到官衙十年共賞

人何在萬里孤吟恨轉賒俄向眼前驚物候還
從鬢上惜霜華塵冠未卜何時掛歸去東籬傷

酒家

送楊子山年兄巡撫貴州

新承簡命遠驅馳肯道天家雨露私鷺筵幾年
清地望豸冠今日重威儀八番到處山河靜萬
里先聲草木知虛席廟廊應有待畫熊回首莫
愆期

送黃通理分教江華

多君抱鐸向江華眼底青瑣宦况賒劔倚寒光
衡嶽路詩成月色洞庭槎軒齋夜雨九重夢桃
李春風千樹花他日公孫開傑閣正看椽筆潤
官家

九月二十四日遇萬壽節遙賀用前韻
遙指紅雲望正陽祥風飛捲九衢霜洞開方丈
三千界高拱神堯十二章聖學漸看隨日進皇
圖應祝與天長小臣何幸聯鷓鷯抖擻寒依日
月光

酒後乞茶次楊子山

樽罍拚倒劇歡娛渴想新茶走吏胥何處擎來
仙掌露方憐分出內家儲醉魔降退骨騰後詩
興招回爽快餘歸向小窗剪燈火條然翻盡案
頭書

送童大用秋官出守鎮遠

都亭落日盡離觴潞渚晴波放畫航花擁旌旄
催宦况雨敲燈火憶隣光須知大隱元兼吏肯
道諸侯不似郎此去南州歌善政循良未必只

龔黃

贈文昌邢景暘尹懷集

十年鳴鹿已嘉賓
萬里飛鳧又遠臣
自古親民端是令
于今爲政幾稱神
山城花暖遷鶯早
海國雲連過雁頻
君去不須多訪道
而翁遺愛在西人

送鍾邦臣出守廣州用楊子山限韻

光明如月靜如秋
詩滿行囊書滿篋
宦况元從清處得
民情偏向苦中求
使君便是端陽彥

聖主今無嶺外憂
方岳古來多拜相
道傍先問喘時牛

酬林伯喬兼呈楊掌科

踈慵成癖喜成狂
兩放閒情到野莊
澗水半橋歸別壑
山雲幾片度低墻
步旋花徑盤紆遠
坐傍松陰笑語涼
但願年年人似玉
春風一度一尋芳

思鄉與伯喬子山限韻同賦

浪曳長裾入帝京
年來却恨少閒行
鱸肥秋水

無張翰瓜熟春田欠邵平親老憑誰娛晚景兒
癡渾未識方名何當拂袖南山去無數松枝好
挂纓

送瓊山林勉學分教贛庠

乾坤萬古入枯枰今日憐君一着羸
斐几晴窗溫典故講堂朝鼓閱經生
章江月色催詩早庾嶺梅花入夢清
更喜檳榔椰子近每逢南客便多情

和祁惟學秋懷作柬林廷光年兄

閒書咄咄歎休休一度西風一度愁
四壁登登寒夜杵千山雁影夕陽樓
俄驚歲序過強半却憶韶華去不留
誰道多情惟宋玉閒來我亦賦悲秋

和子衡九日韻

把鏡霜毛幾種侵佳期怪底負登臨
也知病酒能頽玉只恐寒花易落金
杜甫多情憐歲月陶潛得趣戀山林
明朝抖擻精神起籬下同君較淺深

重九書懷

遠向山中拂袖歸
 山中景槩只依依
 踈籬有約開黃菊
 小徑無緣到白衣
 囊裏自慚新句少
 尊前常恐舊人非
 狂來不用悲淪落
 直欲凌風上翠微

又自述兼訝子賢有約不至

藥莒藤筇雜貝編
 藏名已分石泉邊
 蓬蒿有徑緣誰掃
 風月無人只自專
 花外昨朝青鳥信
 竹間何日紫驪鞭
 踈狂解似饒清興
 翻笑山陰雪

夜船

艤直沽用韻

纔將十日別京華
 客裏乾坤感慨賒
 綠水青山天外畫
 白蘋紅蓼眼前花
 潮回落日汀洲遠
 路入浮煙海國斜
 共說魚鹽有遺利
 豈應編戶尚貧嗟

嘉靖甲申假歸十月十三沿杭城外望入

西湖憶舊遊用韻寫意

登臨勝槩自前年
 今日經過一悵然
 松下空留



歷代詩選 明李宗魯
燒葉竈柳邊閒繫採菱船慵拈秃筆賡遺句悶
對孤琴惜斷絃歸去白雲深處卧湖山從此負
良緣

使經溇縣公亭偶興

新秋攬轡問皇華眼底秋光萬里賒
纂纂枝頭垂棗實穆穆階下點楊花
四窗雲影回天霽一曲蟬聲送日斜
喜向涼飈洗懷抱郵亭過客不須嗟

和韻答鄭別駕

頻年抱病只偷安徑路蕭蕭草色殘
頑僕白雲長不掃達官青眼忽相看
釀泉酒甕新芻薄燒葉茶爐宿火寒
故態未除還野老東窗一枕日

三竿

送葉良臣掌科上巳郊行

着起春衫帶小冠輕鞭瘦馬雪泥乾
二十四番春正好鶯花乞與眼前看

和段少叅釣臺韻

一片荒臺萬古尊青山如立水如奔
登臨未盡

孤舟興靄落煙橫日已昏

南安太守留宴屢遭風雨有阻口占一絕

淅淅西風惱客程黃堂招飲忽多情眼中傳得


春消息官况梅花一樣清

化州何二守邀飲石寧舖醉歸道中口占

荒村有路接郵亭天假東南聚德星尊酒未空

心已醉夕陽回首舊山青

石倉十二代詩選



明次集卷八十六

終

